

14

BIBLIOTHECA  
SCRIPTORUM MEDII RECENTISQUE AEVORUM

REDIGIT LADISLAUS JUHÁSZ, SZEGED (HUNGARIA)

SAECULA XV—XVI.

MATTHAEUS ANDRONICUS  
TRAGURINUS

EPITHALAMIUM  
IN NUPTIAS VLADISLAI PANNONIARUM AC  
BOEMIAE REGIS ET ANNAE CANDALIAE REGINAE

EDIDIT  
LADISLAUS JUHÁSZ

MCMXXXIII. — LIPSIAE — B. G. TEUBNER



BIBLIOTHECA  
SCRIPTORUM MEDII RECENTISQUE AEVORUM

REDIGIT LADISLAUS JUHÁSZ, SZEGED (HUNGARIA)

SAECULA XV—XVI.

MATTHAEUS ANDRONICUS  
TRAGURINUS

EPITHALAMIUM  
IN NUPTIAS VLADISLAI PANNONIARUM AC  
BOEMIAE REGIS ET ANNAE CANDALIAE REGINAE

EDIDIT  
LADISLAUS JUHÁSZ

MCMXXXIII. — LIPSIAE — B. G. TEUBNER

Iq. kot  
114. 927



EXCUSEBAT IOSEPHUS KERTÉSZ, KARCAG (HUNGARIA)

## INTRODUCTIO.

### *De Matthaeo Andronico.*

Hoc epithalamio de Matthaeo Andronico certiores facti sumus; cetera indicia igitur nobis de vita et operibus eius desunt. — E cognomine eum ex oppido Tragurio (Traù in Dalmatia) ortum cognovimus; eum in Italia (fortasse Patavii) didicisse et Hungariam visitasse e dedicatione et epithalamio certum esse videtur.

Quia nuptiae Vladislai II. et Annae Candaliae (Anne de Foix) die 29. mensis Septembris a. 1502.<sup>1</sup> celebrabantur et editio epithalamii iam mense Iulio eiusdem anni in lucem prodiiit, epithalamium compositum festis nuptialibus praecessit.

Andronicus carmen suum Nicolao de Chiiak (Csák)<sup>2</sup> episcopo Chienadiensi (in Hungaria) dedicavit, cui familiariter coniunctus videtur, immo fortasse in Italia — e dedicatione Nicolaum de Chiiak Patavii didicisse comperimus — amici facti sunt.

### *De editione epithalamii.*

Epithalamium codicem manuscriptum desiderat; sola editione ad nostram aetatem remansit, quae rarissima Venetiis a. 1502. in lucem prodiiit. Exemplar quoddam carminis in Bibliotheca Apponyiana (Budapest, in Museo Nationali Hungarico) no. 63. asservatur;<sup>3</sup> 4<sup>o</sup>; folia 8. *Dedicatio*: Air-v; *epithalamium*: Aiir-Biiiv. — Ad calcem (Aiiiv): Impressum Venetiis per Bernardinum Venetum de Vitalibus Anno Domini M. D. II. Die XXX. Mensis Iulii. Cum privilegio.

---

<sup>1</sup> Wenzel G., II. Ulászló magyar és cseh király házaselete. Századok, 1877, p. 755. — Főgel J., II. Ulászló udvartartása. Budapest, 1913, p. 130.

<sup>2</sup> †1514. — Cf. Nagy I., Magyarország családai. III, Pest, 1858, pp. 76, 87.

<sup>3</sup> Gr. Apponyi S., Hungarica. Magyar vonatkozású külföldi nyomtatványok. I. Budapest, 1900, p. 44. sqq. — De Andronico pauca v. apud Főgel o. c. p. 81.

## ANNOTATIONES CRITICAE.

*Menda typographi indubitata reliquimus. — Variantes ascribendo scripturam univimus. — Scripturam antiqui temporis plerumque adhibuimus.*

*Dedicatio.* 1. quaecumque — 2. Zoylus — 3. Bohemiae — 4. difficilimis

*Epithalamium.* 2. Phryxei — 4. arctatum — 7. Aematiae — 8. Aemonios — 14. Aematios — 27. festinat — 33. cytharæ — 40. Moenades — 41. coelo — 44. Naereus — 54. Summitent — coelo — 61. Dioneos — 66. coelestesque — 69. littore — 77. Illiaca — 84. taelum — 91. terax (*sic*) — 96. taelis — 100. archanos — 111. faecundo — 115. Scythoniae — 122. habetirigidus — 126. arctat — 134. Bohemi — 142. Dionei — 148. Poeones — 154. foetas — cubilibus — 155. sydereas — 159. nymbis — 188. Illiaca — 193. caedunt — 197. precium — 200. prognata — 203. caelebe — 206. sollicitus — 214. Thyrrenas — 215. cerulea Clothe — 222. Gymodoce — 223. apprehensa — 242. Hostia — 243. onix — 244. Caristos — 245. Lygurum — 248. caedit — 251. Tybris — capte — 252. Capictolia — 259. Brenus — littora — 264. honore — 268. Oeleis — circumfluus — 269. Phaetonteos — 284. Foemineos — 286. pudiciciae — 288. repelite — 289. Lucrecia — 293. Altea — 296. cytharæ — 297. Mitileneae — Corynna — 301. Thermodoontiacas — 302. soblis — 305. siue — 309. Pisea — 316. Phlegetonteae — 317. foelix — 318. Foelix — 320. snccaederet (*sic*) — 329. Inclita — 335. Cymbrica — 343. Licaonii — 350. quinquenis — 353. gesa — 360. diis — 378. Lybicus — 380. diis — 383. conubia — 386. Occeani — 397. Erithreis — 398. Calaicisque — 399. foelicibus — 414. cytharæ — 419. tyrsos — 424. mauet — 431. Hymeti — Dioneae — palesire — 435. trophea — 440. foecundo — 444. caedent — 445. submittet — 447. prenuncius

---

**MATTHAEUS ANDRONICUS TRAGURINUS**  
**EPITHALAMIUM**  
**IN NUPTIAS VLADISLAI PANNONIARUM AC BOEMIAE**  
**REGIS ET ANNAE CANDALIAE REGINAE**

*Matthaeus Andronicus Tragurinus reverendissimo ac generosissimo domino Nicolao de Chiiak electo Chienadiensi perpetuam felicitatem.*

Omnes cuiuscunque notae auctores, praesul reverendissime, 1  
quos hactenus videre contigit, nullum opus, quaecunque id esset,  
sine dedicatione ediderunt, causam opinor esse livorem ac vitiliga-  
tionem, amplum sane malum, et quod ne divinis quidem ingeniis  
pepercit: hinc Zoilus ille Homericus, hinc notissimum adagium 2  
arbor suspendio eligenda, cuius mali hoc unum remedium non illa  
solum nunquam satis laudata antiquitas, sed nostra etiam tempora  
antiquitatis pertinaciter aemula esse censuerunt. Emissurus itaque 3  
epithalamium in nuptias invictissimi ac felicissimi Pannoniarum ac  
Boemiae regis Vladislai et serenissimae reginae Annae Candaliae  
multum diuque dubitavi, cuius praesidio tutissime in medium prod-  
iret, nec ullus sane magis idoneus te uno se mihi offerre potuit,  
qui nobilitate paterna splendidissimus maternum genus ab illo regum  
omnium principe Matthia ducis, qui annos decem et octo natus  
episcopatu Chienadiensi insignitus fuisti, quae dignitas licet ampla  
admodum sit et vix ulla ex parte regia celsitudine inferior, tamen,  
si quis eam cum exactissimis animi tui dotibus conferre velit, non  
episcopatum tibi, sed te episcopatui ornamento esse procul dubio  
inveniet. Accedit his eximia Latinae linguae cognitio, quam annis 4  
quinque continuis in Patavino gymnasio non absque summa to-  
tius studiosae iuventutis admiratione non hausisti modo, sed etiam  
exhausisti tanta omnium veneratione, quanta nulli unquam provin-  
ciali iuveni in quovis Italiae gymnasio contigit, quae res quam tibi  
apud tuos auctoritatem adauxerit, vel hinc unicuique patet, quod  
inter omnes regni Pannonii episcopos ac procures unus nondum  
vigesimalis aetatis annum transgressus electus es, qui orator ad-  
ventui serenissimae reginae occurreres et cum Veneto senatu de  
rebus maximis ac difficillimis ageres. Haec itaque quum in te vero 5  
veriora unusquisque agnoscat, visum est hoc quaecunque opu-  
sculum meae summae erga celsitudinem tuam observantiae testem  
offerre, quod si tibi acceptum erit, mecum praeclarissime actum  
existimabo omnes invidorum ac detractorum procillas pili (ut aiunt)  
facturus. Vale, virtutum omnium unicum columen. 6

**Epithalamium Matthiae Andronici Tragurini  
in nuptias Viadislai invictissimi ac felicissimi Pan-  
nonarium ac Boemiae regis et Annae Candaliae  
reginae serenissimae.**

- Nondum intemptatas pubes irruperat undas  
Thessala Phrixei cognatum velleris aurum  
Exposcens necdum refluo vada concita motu  
Consertisque iugis artatum evaserat aequor  
5 Puppis Hyperboreum Minyas vectura sub axem,  
Peleus eximiis quum iam virtutibus auctus  
Sumpserat Emathiae sceptrum populosque regebat  
Haemonios, icto qua cognita pascua Phoebo  
Amphrysus placido sinuosus flumine lambit ;  
10 Sed nec adhuc magnae Thetidis flagrarat amore  
Nec sociare toros taedasque subire iugales  
Certus erat. Coeunt proceres cladique precantur,  
Fatalem Phrygiae terris ut reddat Achillem,  
Qui populos regat Emathios, quo vindice Troia  
15 Hospitii meritas laesi det perfida poenas.  
Iamque suis thalamis natarum Doridos unam  
Peleus addiderat : glaucae coiere puellae,  
Conveniunt superi festumque hymenaea frequentant  
Sertaque dependent reseratis undique valvis,  
20 Aurea tecta patent, dant largos nectaris haustus,  
Vernat flore caput, respondent Pelea Tempe,  
Ossa Thetim resonant, Peneus sustinet undas  
Cantibus attonitas stupefactaque flumina tardat.  
Ecce iterum heroum redeunt felicia secla,  
25 Rursus faustus Hymen et festae vincula taedae !  
Aspicis, aerea sonus ut prorumpat ab Alpe  
Parrhasiique celer ripas festinet ad Istri.  
Ducitur Arctoo Rhodani armipotentis alumna  
Nupta Iovi, geminae cui Gratia nexa sorori  
30 It comes et teneri pariter famulantur Amores,  
Astat et usque novae lateri Cytherea maritae.  
Aspice, ut Ausoniae geminatis plausibus urbes  
Exultent, citharae coniunctaque tympana buxo  
Tinnulaque aera sonent, blandae instrumenta Diones.  
35 Non aliter quondam Graias hilaraverat urbes  
Clamor ovans, domitis quum iam remearet ab Indis

- Liber et Eoas patriis imponeret aris  
 Exuvias festisque ululatibus orgia Bacchae  
 Concinerent vulsasque trabes et saxa rotarent  
 40 Maenades et scissis macularent arva iuven-  
 Ecce serenato pelluntur nubila caelo  
 Arridentque poli, suspendunt flamina venti  
 Atque immota sui miratur regna profundi  
 Nereus et refluos quae sistant numina cursus.  
 45 Quacunque ingreditur, dominae blanditur eunti  
 Terra rosas spargens, flatus dant nectaris aurae.  
 Haud aliter segetes Arabum vel divitis arva  
 Assyriae redolent, quum se novus induit annus  
 Floribus ac vernis opibus gemmantia rident  
 50 Prata et odoriferi mollis viget aura Favoni.  
 Hannibal et flammis et vi mordacis aceti  
 Temptet ver vetitae capturus moenia Romae  
 Sponte sua attonitas animatis rupibus Alpes  
 Summittent cautes et saxa minantia caelo  
 55 Agnoscentque suae venientia numina divae.  
 Tu mihi legitimis facibus, Saturnia praeses,  
 Tu, Paphiae proles et casti cultor amoris,  
 Profer, Hymen, tantos quod numen iunxit amantes ;  
 Quae festinati sacros Concordia nexit  
 60 Coniugii nodos, nexos quae Gratia sanxit.  
 Forte Dionaeos hortos sedesque petebat  
 Alma Venus Paphias pridem intermissa revisens  
 Regna sui manibus quondam fabrefacta mariti.  
 Circum aderant blandae Charites varioque volabant  
 65 More sagittiferi fratres hi summa feruntur  
 Per loca caelestesque plagas passimque micantes  
 Incursant stellae, illi inferiore meatu  
 Purpureis summas pennas librantur in undas.  
 Iamque propinquabant adverso litore, Cyprus  
 70 Qua Pharii spectat septemflua cornua Nili,  
 Quum Venus affata est puerum, cui plurimus ignis  
 Aestuat et nullos telum frustratur in ictus  
 „Quid cessas, ignave puer ? quid, lente, moraris ?  
 Quid non arma paras ? num sat mugire iuencos  
 75 Inter Agenoreos semel est fecisse tonantem ?  
 An, postquam Eurotae cygneo carmine ripas  
 Mulsit et Iliaca praepes stetit ales in Ida,  
 Otia sunt ducenda tibi ? cur spicula gestas  
 Irrita ? cur cessans inglorius otia ducit  
 80 Nervus et aligerum mundus iam nescit Amorem ?  
 Dic, age, post domitos superos, post caerula regna  
 Ad motus concussa tuos, post ferrea Ditis  
 Pectora lascivis tandem mollita sagittis  
 Torpet hebes telum, languet tibi dextera segnis ! ?



- 85 Quin, age, maioris spectat te pompa triumphi,  
 Aurilui cui nec Iovis aequiperaveris imbres  
 Nec molles habitus Lydae sub lege puellae  
 Clavigeri Alcidae nec amantis pascua Phoebi.  
 Sume arcum atque illo rursus praecingere telo,  
 90 Cui nec multiplici connexae adamante catenae,  
 Inuius ipse mei non thorax Martis et aegis  
 Pallados obsistat, furvi non ora profundi,  
 Imperiurato qua Styx devolvitur amne.  
 Pannonii pete regna Iovis, qui coniugis expers  
 95 Contemnit mea regna ; tuis hunc, nate, sagittis  
 Vince, truces animos, impervia pectora telis  
 Concute et ignotos, fac, sentiat ille calores !  
 Suspiret thalamos, mens tota in cuniuge aberret  
 Sepositoque sui paulum moderamine regni  
 100 Ardeat arcanos refovens uxorius ignes !  
 Dixit et ipsa suis manibus dea collocat arcum,  
 Suspendit nato pharetram selectaque ponit  
 Spicula et omnidomo succensas lampadas igne.  
 Evolat ille celer ripasque binominis Istri  
 105 Attigit armiferas, ubi Pannona terra cohortes  
 Explicat Othrysiae sese obiectura procellae.  
 Quisquis erat refugas doctus post terga sagittas  
 Mittere, qui iussas arcu contingere metas,  
 Qui iaculum torquere valent, cui fervida virtus  
 110 Hostilem suadet per mille pericula vallum  
 Scandere et eximium fecundo sanguine nomen  
 Quaerere, qui fidis novit loca commoda castris  
 Eligere et densas audet perrumpere turmas,  
 Stat promptus mediique exultans pulvere campi  
 115 Sithoniae iam nunc poscit concurrere turmae.  
 Hic caput aerata pictis cum casside conis  
 Integit ; ille humeris gestat coryton et arcum ;  
 Aurea flaventes huic velant retia crines  
 Arctoae de more plagae vel lactea colla  
 120 Implicat intextum gemmis auroque monile ;  
 Ille Semiramia variatum vellus ab arte  
 Pectore habet rigidus ; huic tantum pectora munit  
 Sola chalybs, reliquo stat corpore pervius hosti ;  
 Huic fronte in media pictas ligat aurea pennas  
 125 Concha et ab opposito radiat fulgentior aere ;  
 Parte alia frenis artat spumantibus ora  
 Cornipedis cataphractus equi fremit ille superbum  
 Insultatque solo ac tumidis sub naribus ignem  
 Colligit erectaque ferox attollitur aure.  
 130 Aspiceres illic populos utraque iacentes  
 Danubii ripa, rapidis quos circuit undis  
 Savus et adverso quos ambit flumine Dravus.

- Illic Delmaticae gentes agilesque Liburni  
Atque Polemonii proceres proceresque Boemi,  
135 Denique Parrhasio quicquid sub cardine gentis  
Regna tenent, aderat regi auxiliaribus armis,  
Quosunque in populos victricia signa movere  
Et quocunque parat deferre ex hoste triumphum.  
Regia selectis haec inter corda sagittis  
140 Traicit acer Amor Paphiosque his addidit ignes.  
Nec mora : Per teneras crescit nova flamma medullas,  
Flamma Dionaei vires testata caloris.  
Iam rex ignota suscepto vulnere dextra  
Torpet et occultos fit alter et alter ad ictus.  
145 Ardua non illum gemini moderamina regni,  
Non urbes populique iuvant, non regia curae est,  
Non, quae finitimus confinia proterit hostis,  
Paeones hinc, illinc Thraces et Sarmata velox.  
Non audire preces, suetas non condere leges,  
150 Non equitum turmas, peditum non agmina curat.  
Illud paulatim saevi Mavortis ab arte  
Declinat pectus, non densas claudere valles,  
Non temptare libet saltus aprosve frementes  
Aut propriis fetas turbare cubilibus ursas.  
155 Iam neque sidereas iuvat exercere per artes  
Illud spectatae discussum mentis acumen,  
Cur Plaustra obliquo tardus temone Bootes  
Conetur refugo frustra summittere ponto,  
Quid tantum Oceano brumalibus obsita nimbis  
160 Astra procéllosos properent demergere soles,  
Cur modo curvatam praetendat in aethere frontem  
Cynthia, nunc plenum reparabilis attrahat orbem,  
Cur eadem radios fratris populata micantes  
Ingerat immodicum Phoebus male grata laborem,  
165 Post tamen ipsa luat commissio crimine poenas,  
Quam subito immissis pallens ac maesta tenebris  
Nescit ab obiecta lucem sibi quaerere terra  
Haec et multa prius variis sibi cognita curis  
Egregius belli ductor torpere relinquens  
170 Cogitur insomnes suspirans ducere noctes.  
Quique modo assuerat tragica gravitate superbus  
Acta Sophocleis evolvere tradita chartis,  
Nunc elegos molles mutato blandius ore  
Concinit, exculti quos olim Musa Tibulli  
175 Edidit et doctus, quo gaudeat Umbria, vates,  
Teque, parum prudens gemini praeceptor amoris,  
Perlegit, extremas ponti qui missus ad oras  
Caesaris es, nullo crimen debile seculo  
Ingenii perit ille vigor divinus et ipsum  
180 Deprimit Idalia durus cum matre Cupido.

- Heu ! tantum arcanos percussi pectoris ignes  
 Suspirat laesque rubor se prodit ab ore  
 Obductas retegens flammās. Ah, nomen amantum  
 Immemor imperii quoties tua lingua locuta est ? !  
 185 Te suspirantem nascentis lumina Phoebi,  
 Te medius Titan, te serus conspicit Hesper.  
 Ignotae haud aliter flagravī amore Lacaenae  
 Iliaca quondam lectus Paris arbiter Ida.  
 Dumque morae impatiens amor est, dum fervidus alto  
 190 Aestuat igne vapor Sicula ferventius Aetna,  
 Seligit e numero procerum, cui plurimus extat  
 Eloquii splendor, Pyliae cui mella senectae  
 Dulchissime oris torrentia flumina cedunt,  
 Cuius saepe fides in summis cognita rebus,  
 195 Orantem magnae stupuit quem curia Romae,  
 Cuius honorato praeſulget vertice clarae  
 Pontificalis honos, pretium virtutis, et illi  
 Dat mandata suo, referat quae nomine regi,  
 Cui regna Ausoniae, cui Gallica sceptrā tenentur,  
 200 Cognatoque petat prognatam sanguine neptem  
 Sceptriferis thalamis et laetae foedera taedae,  
 Acceleret certis sponsalia nectere verbis :  
 Non aliam se velle toris, quin caelibe lecto,  
 Invida coniugium si forte hoc fata negarint,  
 205 Tracturum vacuum ventura in tempora vitam.  
 Nam quum sollicitus gentes percurrat et urbes,  
 Nil habet Ausoniae plaga, nil Germania dives,  
 Cognati nil regna soli, nil ultima tellus,  
 Quae iam declives currus Phoebique cadentes  
 210 Sentit equos, tanto dignum succedere lecto.  
 Inter tot tantasque nurus, quas obtulit orbis,  
 Anna placet : solam mens saucia cogitat Annam.  
 At Venus haec inter Paphia iam sede relicta  
 Tyrrhenas spectabat aquas cognataque circum  
 215 Numina Nereidas, quas inter caerula Glaucē  
 Frenatum delphina premit, Cadmeia virgo  
 Non sinit implicitos violis errare capillos,  
 Acidis aspecta praereptos Cypride amores  
 Suspirat Galatea sui Messeniaque antra  
 220 Devovet, at Spatale virides super aequoris undas  
 Marmoreo iactat gemmata monilia collo,  
 Candida Cymodoce toto stat corpore anhela  
 Amplexu Glauci iam iamque apprensā sequentis.  
 Has ita formoso vultu est affata Cythera :  
 225 „Este, deae, mecum taedas celebrate iugales,  
 Quales vix quondam stellantis regia caeli  
 Viderit, aethereo quum se Saturnia fratri  
 lunxit et optatum soror est amplexa tonantem.

- Desponsanda manet nunc regi regia virgo ;  
 230 Nomen ab extremis ductum regale Britannis,  
 Supremos hominum Morinos et Belgica regna  
 Quod rexit longumque reget : sic iusta tulerunt  
 Fata, adamantaeae sic edixere sorores.  
 Improba nil unquam demissum vidit in illa,  
 235 Nil parvum fortuna domo, sed sceptrum, triumphos,  
 Imperium, fasces : horum sit Celtica testis  
 Terra, Calidonii sint, ultima regna, profundi.  
 Iam dea contigerat Romani moenia Planci,  
 Qua celeres Arar et Rhodanus sua flumina miscent,  
 240 Et iam regali constructa palatia luxu  
 Intrarat. Bifores illic argenteae valvas  
 Ostia pandebant. Illic contemptus achates  
 Et neglectus onyx teritur : non gratia ophiti  
 Ulla datur, nihil est illic Euboea Carystos,  
 245 Nil Ligurum lapides, nil inclyta saxa Laconum.  
 Parte omni fulvo trabs exaturata metallo  
 Pendet et attonitos hominum rapit undique visus.  
 Divitiis nec cedit opus, stant aera Myronis,  
 Stat labor, o Lysippe, tuus, tamen omnia vincit  
 250 Porticus antiquis patrum variata triumphis :  
 Est illic Thybris, sunt captae moenia Romae,  
 Sunt et Aquitanis Capitolia cincta manipulis ;  
 Arx Tarpeia manet graviori pressa periclo  
 Porticibusque cavis volitans argenteus anser,  
 255 Dum vigili. attollit resonantia murmura voce,  
 Per rupem audaces testatur adesse phalanges ;  
 Pensati est illic temerarius arbiter auri  
 Ensis et Ausoniae tot rapta insignia genti ;  
 Parte alia Brennus per litora Graia cohortes  
 260 Sequanicas ductat, — iam se vix Delphica tellus  
 Numine Phoebus nivibusque repente solutis  
 In procures Gallos victriciaque arma tuetur.  
 Hos inter titulos antiqua ab origine patres  
 Candalii apparent et honores stemmata gentis.  
 265 Ut primum visa est divinae stirpis alumna,  
 Obstupuit Cytherea decus mirata puellae,  
 Stellantes oculos primum, quibus urit amantes,  
 Ardet ut Oetaeis circumfluit humor in arvis,  
 Qui Phaethonteos iterum renovare calores  
 270 Evaleant totique ignes immittere mundo,  
 Unde suas solitus accendere saepe Cupido  
 Lampadas ; ingenuae stat frontis gratia, sub qua  
 Excubat Euphrosyne geminam complexa sororem ;  
 Pallados armiferae dignum stat Gorgone pectus  
 275 Atque Semiramia pharetra nodatur in aurum  
 Crinis Apollineo solus certare decori,

- Dignus et auricomum Bacchi superare nitorem,  
 Qui valeat valeatque tuis contendere flammis,  
 Qui Bereniceo de vertice raptus ad astra  
 280 Ignivomum tremulo praeferens fulgore cometen.  
 Cuncta animus vincit, quem non regina Scytharum  
 Massagis exuperet, hostem licet illa superbum  
 Ulta sit impune natum non passa iacere.  
 Femineos non illa colos, non pensa gerebat,  
 285 Nil privatum illi curae est, sed volvere libros,  
 Scire pudicitiae laudata exempla prioris,  
 Quot proba Penelope lustris errante marito,  
 Tempore quot belli repetitae stamine telae  
 Sit pactam tutata fidem, Lucretia morte  
 290 Ut subita immeritae exuerit mala crimina culpa.  
 Laodamia suo comes est ut facta marito  
 Praevenitque diem laeto. Stat virginis usque  
 Iphias ante oculos et casta Althaea pudicos.  
 Dotibus his alias addit: non pectinis illa  
 295 Nescia Threicii est, non saxa trahentis et undas  
 Ismeniae citharae. Quicquid cantavit Arion,  
 Quod Mytilenaea cecinit cum vate Corinna,  
 Quod Linus, hoc repetens modulatur regia virgo;  
 Aut ducat thyasos, quales non ante Cithaeron  
 300 Baccheis vidit festis, non flumina quondam  
 Thermodontiacas subito perpessa bipennes  
 Armigerae sobolis, postquam peltata virago  
 Depopulata Getam positis agit otia bellis. —  
 Huic Venus haec roseo confestim prodidit ore:  
 305 „Ecquid perpetuam dulci sine coniuge vitam  
 Nescia natorum, genialis nestia lecti  
 Sola trahes formaeque tuae decor iste peribit,  
 Cui nec Taenareae faciem conferre maritae  
 Graecia nec cursus Pisaea lege petilos  
 310 Audeat et multa dotatam caede puellam,  
 Illa licet Graias peritura in Pergama vires  
 Moverit et demum in patriam repetita cremarit  
 Laomedontaeae fumantia moenia Troiae,  
 Fixerit haec foribus putri squallentia tabo  
 315 Ora suis victrixque ipsos damnarit amantes  
 Ad Phlegethontaeae liventia stagna paludis?  
 O felix, cui te iungent bona fata marito,  
 Felix virgo, tua facies quem prole parentem.  
 Sed, quoscunque procos immensus detinet orbis,  
 320 Conspice, nemo tuis thalamis succederet unquam  
 Dignitor, Arctoeae quam qui moderamina terrae  
 Bina tenet geminoque caput diademate cinctum  
 Irradiat, quem iam votis Germania regem  
 Mille petit cuique addictum testantia mittit

- 325 Dona amimum Thrace. Quae gens tam incognita nobis,  
Sive sit Eeos Phoebe surgentis ad ortus,  
Seu fontes colat illa tuos, septemflue Melon,  
Seu videt Hesperio pomaria tuta dracone,  
Incluta nescierit generis quae stemmata tanti  
330 Atque Polemonios reges successaque sceptras  
Per gentis seriem? quis aviti praelia belli  
Nescit et extremo prostratos Marte Sicambros,  
Aequarit cui nec celebratas sanguine Cannas  
Hannibal Ausonio, Tyria non Scipio caede  
335 Undantem Zamam, Marius non Cimbrica signa,  
Theutonicos currus et capti vincla lugurthae  
Caesareoque genus maternum a sanguine ductum  
Inque suis titulis ter Romae sceptras, ter auctos  
Imperio proavos? cuinam se largius unquam  
340 Furtuna indulsit quamve est complexa favorem  
Tam iusto propensa domum? Nil grandius unquam  
Parrhasii summo vidit sub cardine mundi  
Torva Lycaonii sitiens custodia monstri.  
Editus ut fuerat Tyrioque exceptus in ostro,  
345 Iam regimen cum luce gerit patrosque triumphos  
Vagit et hostili squallentia castra cruore  
Incolit et mediis cunabula ducit in armis  
Intremuere Scythae, tanti praenuntia regis  
Fata Getes timuit et mixtus Sarmata Daco.  
350 Vixdum bis fuerat quinquennis Olympias acta,  
Iam Scythicos arcus, iam Parthica tela, sagittas,  
Iam Thracum norat pugnas animosque Laconum;  
Ut Galli sua gaesa ferant, ut pila Latini;  
Iamque hostem turbare gradu, iam caede superbus.  
355 Arma triumphanti captiva appendere curru.  
Aspice, quid possit virtus, lanugine vixdum  
Signabat malas, quum dant sua sceptras Boemi;  
Hac etiam allecti regem fecere rogantes  
Pannonii haud donis vel ambitione petiti.  
360 Hic coniunx fati, hic dis acceptus et astris  
Iam pridem te, virgo, manet, quo nupta marito  
Sidera sublimi caelestia vertice tanges."  
Inde capit ceston, quo ventos illa furentes  
Sistit et irati rapidos Iovis edomat ignes  
365 Aspiratque faces et connubialia iura.  
Senserat insolitos ignes non conscia amoris  
Virgo prius; iam iam gaudet regina vocari,  
Iam cupit e tanti collo pendere mariti  
Incusatque moras et stantia tempora damnat  
370 Sollicitisque frequens digitis dum computat horas,  
Haud prius aspectum iam mens decurrit ad Istrum.  
Ah, quoties regi dixit: „Quid vota moraris



- Nostra ? quid optatae producis foedera taedae ?"  
 Non secus in Tyria Dido miserabilis urbe  
 375 Sensit Acidalium labelacta per ossa calorem,  
 Quum pius Aeneas Siculo iactatus ab aestu  
 Post patriae cineres, rapti post fata parentis  
 Sorte sua Libycis tandem sese appulit oris.  
 Dum pendet dubioque labant praecordia motu,  
 380 Spesque timorque instat : „Quae dis donaria vovit  
 Quaeve tulit ?“ — Sed pone metum, tam regia coniunx  
 Parrhasii tu sola Iovis visura cubile es.  
 Astat castus Hymen, tua qui connubia sanxit ;  
 Duceris et tecum per devia saxa cohortes  
 385 Ligonicae properant ; extrema tendit ab ora  
 Santonis Oceani, lateri comes haeret euntis  
 Rex regum Non ille truces ad bella Rutenos  
 Ducit et Alpino populari milite campos  
 Cogitat Ausonios, sed pacis plena verendae  
 390 Maiestas ; saevi non horrida classica Martis  
 Triste minaxque fremunt, sed tota haec pompa triumphi,  
 Virgo, tui ; Hesperias tecum, regina, per urbes  
 Belgica signa meant placidam portantia pacem.  
 Occurrunt Itali proceres atque obvia divae  
 395 Agmina agunt ; numen selecto munere certant  
 Promeruisse novum portatur, decolor Indus  
 Quicquid Erythraeis solers exquirat in undis  
 Callaïcisque fodit terris quod sedulus Astur ;  
 Quod Panchaeus Arabs metit felicibus arvis  
 400 Quaeque suis silvis extremi vellera Seres  
 Depectunt, quod bis cognato murice Sidon  
 Tingit et Idaeae quicquid variatur ab arte.  
 Nativum decus ut spectetur divite cultu,  
 Gratius, o felix, ac terque quaterque beata  
 405 Aspicias Eridanum, quam se vix continet undis  
 Applaudatque tibi. Sudant electra sorores  
 Largius Heliades atque undas roribus augent  
 Gemmificis ; dulci resonant modulamine ripae  
 Amnis oloriferi. Sic quondam Aegyptia coniunx  
 410 Romanis aquilis reduci occursura marito  
 Puppe papiriferi decurrit flumina Nili  
 Aurata Tyrio madefactum murice velum  
 Expandens Zephyris inter Cyllenia fila  
 Cognatae citharae strepitantiaque aera canoris  
 415 Continuata modis longique foramina buxi.  
 Coniugis hinc adsunt equitum peditumque catervae.  
 Lecta cohors, cinguntque latus fulgentibus armis.  
 Reginae variis vernant cum casside crines  
 Floribus, Ismenios simulant hastilia thyrsos.  
 420 Gaudia miles agit festoque haec carmine iactat

- Militiae de more suae : „Quid, regia virgo,  
Coniugis amplexus tardas atque oscula differs  
Dulcia torquatas Veneris victura volucres ?  
Quae te pugna manet ? Iam formidata Gelonis  
425 Brachia constringent collum, velut implicat ulmos  
Vitis et amplexas arbor Baccheia frondes  
Flexipedi cingit nexu ; iam dextera telum  
Excutere assueta hostilique rubere cruore  
Mitior incipiet teretes tractare papillas  
430 Blandaue iam roseis condetur lingua labellis,  
Cui nec Sicanium nectar nec mollis Hymetti  
Mopsopios aequet succos annosa vetustas.  
Virgineo videor sudantem cernere regem  
Marte Dionaeae pugnasque ciere palaestrae.  
435 Has ille exuvias, haec mavult ferre tropaea,  
Quam si victa iugo collum det perfida Thrace,  
India cunque suo Meroe circumflua Nilo.  
Nascetur proles materno gratior ore  
Plus de patre tamen referens ; hunc, quantus in armis  
440 Insurgat, toties fecundo sanguine Ganges  
Decolor agnoscet, laxos huic porriget arcus  
Parthia, odorati mittent sua thura Sabaei.  
Sentiet hunc Garamas pronusque subibit habenas  
Nobilioris heri, cedent sublimia gesta  
445 Invicti Alcidae, summittet Pella triumphos  
Extremo Phoebi nascentis ab orbe petitos.“  
Protulerat faustum miles praenuntius omen :  
Assensit Lachesis, geminae assensere sorores  
Cadmeoque parant saturatum murice pensum  
450 Candentesque legunt gemmas, quibus ordine certo  
Venturae numerent felicia tempora vitae.

## INDEX NOMINUM.

D: *Dedicatio* — *Soli numeri epithalamium notant* — *v: vide*

**Achilles** 13.  
**Acidalius calor** 375.  
**Acis** 218.  
**Aegyptia coniunx** (Cleopatra) 409.  
**Aeneas** 376.  
**Aetna** 190.  
**Agaue, v. Cadmeia virgo.**  
**Agenorei iuveni** 75.  
**Alcides** (Hercules) 88, 445.  
**Alpes** 26 (*sing.*), 53. **Alpinus miles** 388.  
**Althaea** 293.  
**Amor** (*v. Cupido*) 80, 140. **Amores** 30.  
**Amphrysus** 9.  
**Anna Candalia, v. Candalia, Anna.**  
**Apollineus decor** 276.  
**Aquitani manipuli** 252.  
**Arabs** 399. **Arabes** 47.  
**Arar** 239.  
**Arctoa plaga** 119. — **terra** 321.  
**Arctous Iuppiter** (Vladislaus II. rex) 28.  
**Arion** 296.  
**Assyria** 48.  
**Astur** 398.  
**Augustus, v. Caesar.**  
**Ausonia** 199, 207. — **gens** 258.  
**Ausoniae urbes** 32. **Ausonii campi** 388. **Ausonius sanguis** 334.  
**Bacchae** 38. **Bacchea festa** 300.  
**Baccheia arbor** 426. **Bacchus** (*v. Liber*) 277.  
**Belgica regna** 231. — **signa** 393.  
**Bereniceus vertex** 279.  
**Boemi** 357. — **proceres** 134. **Boemia** D 3.  
**Bootes** 157.  
**Brennus** 259.  
**Britanni** 230.  
**Cadmeia virgo** (Agaue) 216. **Cadm-eus murex** 449.  
**Caesar Augustus** 178. **Caesareus sanguis** 337.  
**Calidonii** 237.  
**Callaicae terrae** 398.  
**Candalia, Anna** 212 (*bis*), D 3.  
**Candalii patres** 264.  
**Cannae** 333.  
**Capitolia** 252.

**Carthago, v. Tyria urbs.**  
**Carystos** 244.  
**Celtica terra** 236.  
**Charites** 64.  
**Chienadiensis episcopatus** D 3.  
**Chifak** (Csák), **Nicolaus de, electus** Chienadiensis episcopus D tit.  
**Cimbrica signa** 335.  
**Cithaeron** 299.  
**Cleopatra, v. Aegyptia coniunx.**  
**Concordia** 59.  
**Corinna** 297.  
**Cupido** (*v. Amor*) 180, 271.  
**Cyllenia fila** 413.  
**Cymodoce** 222.  
**Cynthia** (Diana) 162.  
**Cypris** (*v. Venus*) 218.  
**Cyprus** 69.  
**Cythera** (*v. Venus*) 224. **Cytherea** (*v. Venus*) 31, 266.  
**Dacus** 349.  
**Danubius** 131.  
**Delmaticae gentes** 133.  
**Delphica tellus** 260.  
**Diana, v. Cynthia.**  
**Dido** 374.  
**Dionaea palaestra** 434. **Dionaei horti** 61. **Dionaeus calor** 142. **Dione** 34.  
**Dis** 82.  
**Doris** 16.  
**Dravus** 132.  
**Dulichium os** 193.  
**Emathia** 7. **Emathii populi** 14.  
**Eoae exuviae** 37. **Eoi ortus** 326.  
**Eridanus** (Padus) 405.  
**Erythraeae undae** 397.  
**Euboea Carystos** 244.  
**Euphrosyne** 273.  
**Eurotas** 76.  
**Favonius** 50.  
**Galatea** 219.  
**Galli** 353. — **proceres** 262. **Gallica sceptrum** 199.  
**Ganges** 440.  
**Garamas** 443.  
**Gelo** 424.  
**Germania** 207, 323.  
**Geta** 303.  
**Getes** 349.  
**Glauce** 215.

- Glaucus** 223.  
**Gorgo** 274.  
**Graecia** 309.  
**Graia** litora 259. **Graiae** urbes 35.  
   — vires 311.  
**Gratia** 29, 60.  
**Haemonii** populi 8.  
**Hannibal** 51, 334.  
**Helena**, v. **Lacaena**, **Taenarea** marita.  
**Heliades** 407.  
**Hercules**, v. **Alcides**.  
**Hesper** 186. **Hesperiae** urbes 332.  
   **Hesperius** draco (**Ladon**) 328.  
**Homerici**, **Zoilus** D 2.  
**Hunyad**, **Matthias** **Corvinus** de, v. **Matthias**.  
**Hymen** 25, 58, 383.  
**Hymettus** 431.  
**Hyperboreus** axis 5.  
**Iason**, v. **Thessala** pubes.  
**Ida** mons 77, 188. **Idaea** ars 402.  
   **Idalia** mater (v. **Venus**) 180.  
**Iliaca** **Ida** 77, 188.  
**Indi** 36. **India** 437. **Indus** 396.  
**Iphias** 293.  
**Ismenia** cithara 296. **Ismenii** thyrsi 419.  
**Ister** 27, 104, 371.  
**Itali** 394. **Italia** D 4.  
**Iugurtha** 335.  
**Iuno**, v. **Saturnia**.  
**Iuppiter** 86. — *is est*: **Vladislaus** II. rex 29, 94, 382.  
**Lacaena** (**Helena**) 187.  
**Lachesis** 448.  
**La ones** 245, 352.  
**Ladon**, v. **Hesperius** draco.  
**Laodamia** 291.  
**Laomedontea** **Troia** 313.  
**Latina** lingua D 4. **Latini** 353.  
**Libe** (v. **Bacchus**) 37.  
**Liburni** 133.  
**Libycae** orae 378.  
**Ligures** 245.  
**Lingonicae** cohortes 385.  
**Linus** 298.  
**Lucretia** 289.  
**Lycaonium** monstrum 343.  
**Lyda** puella (**Omphale**) 87.  
**Lysippus** 249.  
**Maenades** 40.  
**Marius**, C. 335.  
**Mars** 91, 332, 390, 434. **Mavors** 151.  
**Massagis** regina (**Tomyris**) 282.  
**Matthias** **Corvinus** de **Hunyad**, princeps **Hungarorum** D 3.  
**Melon** 327.  
**Meroe** 437.  
**Messenia** antra 219.  
**Minerva**, v. **Pallas**.  
**Minyae** 5.  
**Mopsopii** succi 432.  
**Morini** 231.  
**Musa** 174.  
**Myro** 248.  
**Mytilenaea** vates (**Sappho**) 297.  
**Nereides** 215. **Nereus** 44.  
**Nilus** 70, 411, 437.  
**Oceanus** 159, 386.  
**Oetaea** arva 268.  
**Olympias** 350.  
**Omphale**, v. **Lyda** puella.  
**Ossa** 22.  
**Oihrysia** procella 106.  
**Padus**, v. **Eridanus**.  
**Paeones** 148.  
**Pallas** 92, 274.  
**Panchaeus** **Arabs** 399.  
**Pannona** terra 105. **Pannoniae** D 3.  
   **Pannonii** 359. **Pannonium** regnum D 4. **Pannonius** **Iuppiter** (**Vladislaus** II. rex) 94.  
**Paphia** sedes 213. **Paphiae** sedes 62. **Paphie** (v. **Venus**) 57. **Paphii** ignes 140.  
**Paris** 188.  
**Parrhasius** cardo 135. — **Ister** 26.  
   — **Iuppiter** (**Vladislaus** II. rex) 382.  
   — mundus 342.  
**Parthia** 442. **Parthica** tela 351.  
**Patavinum** gymnasium D 4.  
**Peleus** 6, 17, 21.  
**Pella** 445.  
**Penelepe** 287.  
**Peneus** 22.  
**Peigama** 311.  
**Phaethontei** calores 269.  
**Pharius** **Nilus** 70.  
**Phlegethontea** palus 316.  
**Phoebeum** numen 261. **Phoebus** 8, 88, 164, 185, 209, 326, 446.  
**Phrixium** vellus 2.  
**Phrygia** 13.  
**Pisaea** lex 309.  
**Plancus** **Romanus** 238.  
**Plaustra** 157.  
**Polemonii** procures 134. — reges 330.  
**Pylia** senecta 192.  
**Rhodanus** 28, 239.  
**Roma** 52, 195, 251, 338. **Romanae** aquilae 410. **Romanus** **Plancus** 238.  
**Ruteni** 387.  
**Sabaei** 442.  
**Santo** **Oceanus** 386.  
**Sappho**, v. **Mytilenaea** vates.  
**Sarmata** 148, 349.  
**Saturnia** (**Iuno**) 56, 227.

- Savus** 132.  
**Scipio Africanus Maior**, P. Corn. 334.  
**Scythae** 281, 348. **Scythici arcus** 351.  
**Semiramia** ars 121. — **pharetra** 275.  
**Sequanicae cohortes** 260.  
**Seres** 400.  
**Sicambri** 332.  
**Sicanium nectar** 431.  
**Sicula Aetna** 190. **Siculus aestus** 376.  
**Sidon** 401.  
**Sithonia turma** 115.  
**Sophocleae chartae** 172.  
**Spatale** 220.  
**Styx** 93.  
**Taenarea marita (Helena)** 308.  
**Tarpeia arx** 253.  
**Tempe** 21.  
**Thermodontiacae bipennes** 301.  
**Thessala pubes (Iason)** 2.  
**Thetis** 10, 22.  
**Theutonici currus** 336.  
**Thrace** 325, 436. **Thraces** 148, 352.  
**Threicius pecten** 295.  
**Thybris** 251.  
**Tibullus** 174.  
**Titan** 186.  
**Tomyris**, v. **Massagis regina**.  
**Troia** 14, 313.  
**Tyria caedes** 334. — **urbs (Carthago)** 374. **Tyrium ostrum** 344. **Tyrius murex** 412.  
**Tyrrhenae aquae** 214.  
**Umbria** 175.  
**Venetus senatus** D 4.  
**Venus** (v. **Cypris**, **Cythera**, **Cytherea**, **Idalia mater**, **Paphie**) 71, 213, 304, 423.  
**Vladislaus II. rex** (v. **Iuppiter Arctous**, — **Pannonius**, — **Parrhasius**) D 3.  
**Zama** 335.  
**Zephyri** 413.  
**Zoilus Homericus** D 2.
-



# BIBLIOTHECA

## SCRIPTORUM MEDII RECENTISQUE AEVORUM

### SAECULA XII—XIII.

RM.

**P. magister**, quondam Bele regis Hungarie notarius, *Gesta Hungarorum*, ed. *Juhász*. 1932. — — — — — 5.40

### SAECULA XIV—XV.

**Trevisanus Maior, Zacharias**, *Orationes et testamentum*, edd. *Bertalot—Gothein*. (Excuditur.)

### SAECULUM XV.

- Barbarus, Franciscus**, *Epistolae*, ed. *Gothein*. (Apparebit.)  
 — *Orationes. Una cum orationibus ad eundem habitis*, ed. *Gothein*. (Excuditur.)
- Barius, Nicolaus** — **Kostolan, Georgius Polycarpus** de — **Hungarus, Simon**  
 — **Zagabriensis, Georgius Augustinus**, *Reliquiae*, ed. *Juhász*. 1932. 1.50
- Callimachus** *Experiens, Attila*, *Accedunt opuscula Quintii Aemiliani Cimbriaci ad Attilam pertinentia*, ed. *Kardos*. 1932. — — — 1.70
- Martius Narniensis, Galeottus**, *Carmina*, ed. *Juhász*. 1932. — — — 1.80  
 — *De egregie, sapienter, iocose dictis ac factis regis Mathiae ad ducem Iohannem eius filium liber*, ed. *Juhász*. (Excuditur.)  
 — *Epistolae*, ed. *Juhász*. 1930. — — — — — 1.—  
 — *Invectivae in Franciscum Philelpum*, ed. *Juhász*. 1932. — — — 2.50
- Pannonius, Ianus**, *Opera*, ed. *Husztii*. (Apparebit.)
- Philelfus, Franciscus**, *Sphortias*, edd. *Fögel—Juhász*. (Excuditur.)
- Ransanus, Petrus**, *Epitoma rerum Hungararum*, ed. *Juhász*. (Excuditur.)
- Seneca, Thomas**, *Historia Bononiensis. Qualiter Galeatius Marescottus eques extraxit Hannibalem Bentevolum de carceribus et reliqua per utrunque gesta. Carmen epicum*, ed. *Fögel*. 1932. — — — — 3.60
- Valagussa, Georgius**, *Epistolae*, ed. *Juhász*. (Apparebit.)
- Vitez de Zredna, Iohannes**, *Epistolae*, ed. *Juhász*. (Apparebit.)  
 — *Orationes*, ed. *Juhász*. (Apparebit.)

### SAECULA XV—XVI.

- Andronicus Tragurinus, Matthaeus**, *Epithalamium in nuptias Vladislai Pannoniarum ac Boemiae regis et Annae Candaliae reginae*, ed. *Juhász*. 1933. — — — — — 1.—
- Celtis Protucius, Conradus**, *Ludus Dianae — Rhapsodia*, ed. *Rupprich*. (Excuditur.)  
 — *Oratio in gymnasio in Ingelstadio publice recitata. Cum carminibus ad orationem pertinentibus*, ed. *Rupprich*. 1932. — — — — 1.30  
 — *Quattuor libri Amorum secundum quattuor latera Germaniae*, ed. *Pindter*. (Excuditur.)
- Fontius, Bartholomaeus**, *Carmina*, edd. *Fögel—Juhász*. 1932. — — — 2.—  
 — *Epistolarum libri III.*, ed. *Juhász*. 1931. — — — — — 4.50
- Piso, Iacobus**, *Opera*, ed. *Juhász*. (Apparebit.)
- Strozza, Titus Vespasianus, Borsias** (*Fragmentum*) — *Bucolicon liber*, edd. *Fögel—Juhász*. 1933. — — — — — 1.20
- Verinus, Ugolinus, Carlus**, edd. *Fögel—Juhász*. (Apparebit.)  
 — *Panegyricon ad Ferdinandum regem et Isabellam reginam Hispaniarum de Saracena Baetidos gloriosa expugnatione*, edd. *Fögel—Juhász*. 1933. — — — — — 2.20